

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

XX. De bono solitudinis. Fugienda malorum societas. Mundi vitia quot & quae sint. Studium proficientis, acquisitio virtutum. Signa quaedam obtentae virtutis.

urn:nbn:de:hbz:466:1-10805

nimè observas, Deumque intus loquentem per seceratas inspirationes, audire contemnis. Hæc sunt præcipua impedimenta, te in via detinentia; quæ ut removeas sedulò vigilabis, & te operi viriliter accinges. Animet virtus quicquid agis; animet finis perfectissimus, cum promptitudine & alacritate: animet pura intentio: atque ita operi insiste, ut prænotioni, quam habes de ejusdem perfectione, penitus adæquetur. Non confitit profectus in multitudine exercitiorum; sed in his, quæ quotidiè hunc, perfectè obeundis. Non enim in facto laus est; sed in modo, quo res fit.

4. Volant dies, festinat tempus; & quod præteritum est, nemo tibi restituere potest. Non vivis, sed vixtus es: semper enim vita tua spectat in crastinum. Sic elabitur tibi vita, dum vitae instrumenta conqueriris: & interim senectus venit; venit mors, in quam incidis imparatus. Sicut iter facientes, quos mutua decipit confabulatio, se prius ad metam pervenisse, quām appropinquasse cognoscunt: ita hoc vite iter assiduum, quod vigilans & dormiens eodem gradu peragis, tibi occupato & distracto non nisi in fine apparebit. Quid igitur cunctarisi, quid cessas? Præsum tempori pone, utere eò celeriter: æstima hunc diem, imò hanc horam; ejus enim jaætura irreparabilis est. Prædia tua à nemine patris occupari: si exigua de finibus contentio sit, ad lites & ad arma discurris: vitam verò & tempus tibi eripi à quocunque permittis, ejus rei profusissimus, cuius solius avaritia honesta est. Computa ætatem tuam, revoca ad calculum præteritos annos; quamvis centesimum excedas, videbis te pauciores habere, quam numeras. Quantum enim ex his diripuerunt somnus, gula, lites, amici, & otiosa discursatio: adjice quod sine usu jacuit, quod nihil agenti, aliudque agenti elapsum est, te non sentiente quid perderes; intelleges, quām exiguum tibi de tuo relictum sit, & te immaturum mori fateberis. Sæpe quereris de transactis diebus, quos malè perdidisti: cur non enieris sic præsens tempus transfigere, ut eo elapsò dicere possis: Non video, quo pacto illud melius potuerim collocare? Singulitatem dies, & hi per momenta præsentes sunt. Cur hodierum perdis, quod tuum est: & futurum disponis, quod tuum non est? Maximum vivendi impedimentum est dilatio. Vive hodie; cras vive re serum est.

5. Deum semper in omni cogitatione, verbo, & opere, quocunque alio fine excluso, respice:

& unicam ejus voluntatem sectare. Nunquam à recto tramite deviat, qui Deum sibi viæ ductorem proponit. Bono loco res tuæ erunt, si omnia quæcumque facis ad Dei gloriam dirigas; atque ita singula facias, ac si ipse spectet, qui videt omnia, omnia sustentat, omnibus providet. Eius obtutum nunquam effugies: interefit enim non verbis tantum & factis, sed intimis cogitationibus tuis. Cum fores obduxeris, & tenebras intus feceris, ne putas te solum esse; tecum Deus est, qui secretum tuum facere sanctius debet, cui nihil clausum est. In ipso vivimus, movemur, & sumus. Coram illo comedere & bibe, cum illo ambula, cum eo tracta negotia tua, ad ipsum erige vitam tuam. Fac te dignum, in quena oculos figat, quem semper amabiliter spectet. Magna tibi necessitas indicata est probitatis, cùm ante oculos agis Judicis cuncta cernentis. Sic vive, ac si nemo in mundo sit, præter te solum & Deum. Quicquid ejus providentia de te disponuerit, libens amplectere, sive prosperum illud fuerit, sive adversum. Deum queris: hâc, an illâ viâ ad ipsum pervenias, quid refert? Atque utinam aliquando pervenias!

C A P U T X X.

De bono solitudinis. Fugienda malorum societas. Mundi vitia quot & que sint. Studium proficiens, acquisitio virtutum. Siquidam quædam obtenta virtutis.

I. Ngens argumentum est compositæ mentis, & à pravis affectionibus emendatae, secum posse consistere. Sicut Deus, se solo beatus, in le semper moratur; ita ad Dei felicitatem proxime accedes, si tecum manere didiceris. Et quidem si volueris, nunquam eris solitarius, si nunquam à Christo separaris. Quod si loquendi te corripit cacoëthes, tecum loquere; sed cave, ne cum malo homine loquaris. Vis autem scire, quid tecum colloqui possis? Id quod homines de aliis libentissime faciunt: de te apud te male loquere. Produc vitia tua, & castiga quicquid in te animadversione dignum repereris. Nunquam decrit aliquod vitium, cui curatio adhibenda sit. Absconde te in otio; sed & otium tuum absconde. Gloriar solitudine iners ambitione est. Corporali autem solitudine internam jungi; ut grata tibi atque utilis sit. Subduc te vanis occupationibus; nec ab hominibus tantum,

D 2

fed

sed à rebus etiam secede, quæ ad te non spectant. Esto liber ab omni creatura; & à corde tuo eorum imagines exclude. Abjice omnes caducarum rerum solicitudines, omnes cogitationum ineptias; & in abdito cordis recessu tibi soli, & Deo attende. In hoc mentis silentio, in hac rerum omnium oblivione & nuditate, vera cordis requies, vera tranquillitas sita est. Huc fuge, hic abscondere, huc semper intende: ibi enim reperitur Deus, ubi omnes creature deseruntur.

2. Si vis bonus esse, fuge malorum consorum. Nihil tam damnosum bonis moribus, quam se populo committere. Nunquam mores, quos intulisti, referes. Animus tener & parvum tenax recti, vitiorum impetum, tam magno comitatu venientium, ferre non potest. Facile transit ad plures. Convictor delicatus paullatim enervat & emollit: vicinus dives cupiditatem irritat. Unico exemplo luxuriæ, seu avaritiae, perire potes. Trahunt in pravum parentes, trahunt socii, trahunt servi. Plena omnia periculis, plena sunt laqueis. Statim ac editi in lucem sumus, in omni continuo pravitate, & in summâ opinionum perversitate versamur. Vix ullus in mundo est, qui non aliquod vitium aut commendet, aut imprimat, aut nescienti alluat. Continebis te aliquando inter domesticos lares, extra forum & commercium hominum: proh quâm suavi & optatâ fugâ! Omnia intus serena, omnia tranquilla, sine nube & vento. Accedit casu qui te evocet; sequeris. Conjungunt se alii, fit corona, venit ad turbam, peccatur multiplici excessu, & qui bonus exieras, pessimus regredieris. Vulnera autem animæ non reprehendis, nisi iterum solitarius. Recede ergo in te ipsum, quantum potes; ne suis erroribus mentem imbuat omnis undique ad vitia consentiens multitudo. Lætior est animus, qui in pauiora distingitur.

3. Crède te paullisper in celsi montis verticem subduc: speculare inde miserrimam mundi faciem. Hinc disses ipsum odiss, & ab eo in solitudinem elongari. Cernes itinera à latronibus claudi, maria à prædonibus obsideri, fremere undique bella, & humano crux madescere campos, abruptoque fræno vita ubique & sceleris dominari. Videbis in occulto penetrati ab impudicis ea fieri, quæ nec ipsis quidem possunt placere qui faciunt. Invenies tam indigna, tam indecora; ut nemo dabitaturus sit eos insanire, si cum paucioribus infanirent: sed sanitatis patrocinium est insipientium turba. Inter

leges ipsas delinquitur; nec tuta illuc est innocentia, ubi defenditur. Perit innocens, absolvitur reus: minùsque criminis, quam absolutione peccatur. Nullus legum metus est: quod enim potest redimi, non timetur. Amaræ sunt obloquentum linguae, subdola ora laudantium: inde saevit odium, hinc decipit mendax officium. Alius vino madet, alius torpet inertiam. Illum infatibilis avaritia tenet; hunc defatigat ex alienis judiciis suspensa semper ambitio. Respice forum multitudine refertum: tantumdem istuc vitiorum esse fateberis, quo hominum. Peccant omnes injuriis in proximum; in Deum contemptu, in res abusu: omnia in suum congregant judicium, omnium rei. Et quomodo tutum servare vestigium, vel ad te recurrere poteris, inter tot vitia omni ex parte urgentia, quæ resurgere cupiunt, & in altum attollere oculos, premunt, & mergunt. Innoxium aliquem esse, ubi regnat nocentium agmina, difficile est: nam si te immutare non poterunt, saltem impedient. Una est firma tranquillitas, tot te malis exerceperit, & in eam recedere stationem, è qua possis mundi lumen ab omni contagio liber intueri. Insuperabilis est animus, qui externa deferuit, & sibi soli vacans arce suâ se vindicat. Huic mundus cancer est, & solitudo paradisus.

4. Vanum est ab hominibus secedere, nisi cognas animum intentum sibi esse, & virtutum exercitationi solerter incumbere. Nullum homini bonum est, si desit virtus; nulla quies, nulla felicitas nisi ex virtute. Tria sunt, quæ sibi mutuo in Universo respondent. Inter omnia & super omnia Deus; inter sensibilia lux, inter animi perfectiones virtus. Deus est lux & virtus omnium: lux, virtus mundi & imago Dei: virtus, lux animi, per quam filii Dei nominamur & sumus. Ad hanc purgato animo accedere debes, si ad opatum perfectionis culmen pervenire desideras. Virtus enim perfectio hominis est, instauratrix innocentiae, omni plena iucunditate. Est supplementum naturæ, ad bonum supernaturale ex se inceptæ. Est facilitas boni operis, quâ recte vivimus, quâ velut cœci illuminamur, quâ peccatis resistamus, quâ meritis cumulamur, quâ vitam æternam promeremur. In hoc studio necessarium tibi primò est, cuiusque virtutis naturali & actus præscire; quia nemo amat quod ignorat. Tum ab actu & exercitatione nunquam cessandum: & si desint occasiones, milites imitari oportet, qui in mediâ pace sine hoste decurrunt, fictisque velitationibus se ad vera certamina parant.

parant. Finge tibi ingentia queque scelera objici: puta te contumeliis proscindi, omnia quæ postides à te violenter auferri; & sic patientiam exerce, ac si res vera ageretur. Non trepidabis in ipsa re, si ante rem te ita exercueris. Magnos ad pugnam spiritus adfert miles, qui sanguinem saepe iudic.

5. Virtutum habitus non nisi longâ exercitatione comparantur. An verò aliquam ex illis obtinueris, ex his indicis dñgoscet. Si nimirum virtutis virtuti opposita extincta sentias, aut magnâ ex parte compressâ. Si pravarum affectionum motus sub fræno rationis legem pati, ac menti parere facilè compellas. Si actus virtutis absque difficultate, imò etiam cum delectatione exercetas. Si tepidorum dicta contemnas, plena que spiritus libertate ad ea præstanta te exeras, quæ displicant imperfectis. Si gravos actus, ad quos antea per habitum inclinabaris, connaturali quodam fastidio abomineris. Si neque per somnum re aliqua turpi delectari, aut quidpiam in justum approbare videaris. Si ea satagis imitari, quæ in aliis laudas & admiraris; atque ab illis abstineas, quæ reprehendis. Si nullam culpam exiguum putas; omnemque imperfectionem, quantumvis minimam, studiosè vites, & observes. Si cùm vides vel audis, æquales tuos divitiis aut dignitatibus florere; nec invideas, nec perturberis. Si errores tuos ingenuè fatearis, cupiens ab omnibus corrigi & reprehendi. Si conscientiæ testimonio contentus, bona opera in te ipso serues, & abscondas: rectè enim facti fecisse præmium est. Si studio denique virtutis sine intermissione incumbas: nam vera virtus nunquam torpet, sed semper in actu est.

CAPUT XXI.

De virtutibus Theologicis. Fides operibus comprobanda. In solo Deo ponenda fiducia. Motiva amoris erga Deum. Amor proximi beneficis ostenditur. Hortatio ad eleemosynam.

1. **B**asis cæterarum virtutum & totius Christianæ vitæ fundamentum est fides; sine qua nemo potest placere Deo. Hæc est sapientia, quæ domuit orbem; cui firmiter adhaerendum, omni disquisitione & curiositate rejecta. Crede autem, & operare: quia fides sine operibus mortua est. Sermo tuus, & professio tua

jactitan fidem: cave, ne vita & mores prædcent infidelitatem. Credis Evangelium: cur non obedis Evangelio? Credis vitam æternam: cur brevissimum tempus interminabili præfers æternitati? Quid prodest credere vera & bona, si tu falsus es; & mala operatis? Vix fieri potest, ut benè credit, qui male vivit: ille enī verè credit, qui exercet operando quod credit.

2. Cùm certissimum sit, Dei providentia omnia disponi, & gubernari, adeò ut nec passer de celo, nec folium ex arbore cadat absque ejus nutu & voluntate; ipsi te totum trade excelso animo, & ingenti fiduciâ, nihil dubitans, quin opportunum ad res omnes auxilium sis habiturus. Scito, omnia humana consilia atque præsidia fallacia & incerta esse; teque regi & agi absque ulla anxietate à Deo finas. Et si res accidant inopinatae, quibus actionum tuarum & consiliorum tota series turbari & præcidi videatur, vel morbis, vel falsis criminacionibus, aliisque casibus gravioribus; ne despondeas animum, sed spe divinâ munitus, ejus te regimini subijice: nam per hos casus, per hæc discrimina, ad illum suum te divina Sapientia perdicit, quem tibi ab æterno destinavit. Non sentit malitia præsens, qui futura sperat bona. Tantum potest homo, tantum habet, quantum sperat, & credit.

3. Charitas omnium virtutum forma & Regina, & Deum respicit, & proximum. Et Deus quidem ex toto corde, ex tota anima, ex totis viribus, super omnia amabilia diligendus est, purè propter se, & suam infinitam bonitatem. Quod es, quod vivis, quod moveris, quod sentis, quod intelligis, Dei gratia es. Ipse te à servitute diaboli redemit: ipse animam tuam innumeris prærogativis nobilitavit: ipse tibi vitam æternam, nullis præcedentibus meritis, præparavit. Cœlum, terra, ær, aqua, & omnia quæ in eis sunt, magnis vocibus quotidie clamant, ut summo cum amore prosequaris, à quo propter te creata sunt. Cur per multa vagaris, quaerendo bona animæ tuae? Ama unum bonum, quod est omne bonum. Quære simplex bonum, quod est summum bonum; quo nihil majus, nihil amabilius potest excogitari. Solus amor est, quo mutuam Creatori vicem, quamvis non ex æquo, rependere potes. Amor autem non est otiosus; non quærerit quæ sua sunt: operatur magna, si est. Nulla amori impervia difficultas. Verus amator mori potest, vinci non potest.

D. 3.

4. N.